



БҰЙРЫҚ

ПРИКАЗ

2022 ж. 18 сәуір

НҰР-СҰЛТАН қаласы

№ 151

город НУР-СУЛТАН

2022 жылы Қазақстан
Республикасының орта білім беру
ұйымдарында білім алушылардың
білім жетістіктеріне мониторинг
өткізу туралы

«Білім туралы» Қазақстан Республикасы Заңының 55-бабының 4 және 6 тармақтарына, сондай-ақ Білім алушылардың білім жетістіктеріне мониторинг жүргізу қағидаларына (бұдан әрі – Қағидалар) сәйкес **БҰЙЫРАМЫН:**

1. 2022 жылғы 18-29 сәуір аралығында орта білім беру ұйымдарында 4 және 9-сынып білім алушыларының арасында білім алушылардың білім жетістіктеріне мониторинг (бұдан әрі – ББЖМ) жүргізілсін.

2. Мыналар:

1) осы бұйрыққа 1-қосымшаға сәйкес ББЖМ жүргізу үшін орта білім беру ұйымдарының тізбесі;

2) осы бұйрыққа 2-қосымшаға сәйкес орта білім беру ұйымдарында ББЖМ жүргізу үшін Қазақстан Республикасы Білім және ғылым министрлігі (бұдан әрі – Министрлік) өкілдерінің тізімі бекітілсін.

3. Министрліктің уәкілетті өкілдері орта білім беру ұйымдарында ББЖМ-ның белгіленген тәртіппен өткізілуін бақылауды қамтамасыз етсін.

4. Аумақтық білім саласында сапаны қамтамасыз ету департаменттері:

1) 2022 жылғы 11 сәуірге дейін ББЖМ өткізу үшін Министрліктің уәкілетті өкілдердің орта білім беру ұйымдарына бөлуді ұйымдастырсын;

2) тестілеуге қатысатын орта білім беру ұйымдары үшін ББЖМ рәсімдері бойынша нұсқама жүргізілсін.

5. «Ұлттық тестілеу орталығы» республикалық мемлекеттік қазыналық кәсіпорны (Р. Емелбаев):

1) осы бұйрықта белгіленген мерзімде орта білім беру ұйымдарында ББЖМ рәсімдерін ұйымдастыру-технологиялық сүйемелдеуді қамтамасыз етсін;

2) 2022 жылғы 5 мамырға дейінгі мерзімде Білім және ғылым сапасын қамтамасыз ету комитетіне (бұдан әрі – Комитет) ББЖМ нәтижелері туралы

өңірлер және білім беру ұйымдары бөлінісіндегі статистикалық мәліметтерді ұсынсын;

3) 2022 жылғы 16 мамырға дейін Әдістемелік ұсынымдар әзірлей отырып, Кешенді талдауды жүзеге асыру үшін ББЖМ нәтижелері туралы статистикалық деректерді Комитетке ұсынсын.

6. Облыстардың, Нұр-Сұлтан, Алматы және Шымкент қалалары білім басқармаларының басшылары ББЖМ рәсімдерін өткізуді ұйымдастыруды (білім алушылардың деректер қорын қалыптастыруды, аудиторлық қорын қалыптастыруды, компьютерлік тестілеуді өткізу үшін техникамен қамтамасыз етуді, оқушыларды аудиторияға кіргізу) қамтамасыз етсін.

7 «Ы. Алтынсарин атындағы Ұлттық білім академиясы» шаруашылық жүргізу құқығындағы республикалық мемлекеттік кәсіпорны (М. Тыныбаева) ББЖМ нәтижелері бойынша Кешенді талдау мен әдістемелік ұсынымдарды 2022 жылғы 25 шілдеге дейін Комитетке ұсынсын.

8. Комитет (Г. Көбенова) білім бері ұйымдарына ББЖМ нәтижелерінің кешенді талдауын, «Ы. Алтынсарин атындағы Ұлттық білім академиясы» шаруашылық жүргізу құқығындағы республикалық мемлекеттік кәсіпорны дайындаған әдістемелік ұсынымдарды Қағидаларда белгіленген мерзімдерде жолдасын.

9. Уәкілетті өкілдердің іссапар шығыстары іссапарға жіберуші тараптардың жеке қаражаты есебінен төленеді.

10. Осы бұйрықтың орындалуын бақылау Комитет төрағасы Г.І. Көбеноваға жүктелсін.

11. Осы бұйрық қол қойылған күнінен бастап күшіне енеді.

**Қазақстан Республикасының
Білім және ғылым министрі**



А. Аймағамбетов